

第三十三冊 方伎

清稗類鈔

商務印書館發行

清稗類鈔

杭縣 徐珂 仲可

方伎類

方技家有干支歌訣

方技二字始於漢。其在唐時。醫卜星相諸流皆入焉。惟醫爲正當之學科。實未可與卜星相之迷惑社會者同日而語也。方技家首重干支。有歌訣紀之。所謂十干者。甲乙丙丁戊己庚辛壬癸也。十二支者。子丑寅卯辰巳午未申酉戌亥也。方技家輒以之紀年月日。而自命博雅之人。又喜用爾雅闕逢旃蒙及陬月如月等字。意義晦塞。苦難記憶。自有歌訣。頗爲簡明。一歌曰。闕逢旃蒙甲乙并。柔兆丙兮強圉丁。著雍爲戊屠維己。上章二字乃屬庚。辛曰重光壬玄默。癸號昭陽十干成。二歌曰。困敦爲子地支首。赤奮若兮厥維丑。攝提格則要推寅。單闕爲卯義堪剖。執徐二字實辰龍。大荒落卽巳蛇走。敦牂午兮協洽未。涒灘是申作噩酉。閭茂之與大淵獻。是維戌亥相居後。三歌曰。月在甲兮乃云畢。乙橘

丙修義不失。在丁曰圉。戊曰厲。在己曰則。庚曰窒。辛塞壬終。癸極名。爾雅月陽釋一一。又五言歌曰。畢橘修圉厲。則窒塞終極。自甲數至癸。月陽爾雅釋。又紀月之歌曰。正月爲陬。二月如。三月寘。四爲余。五月厥維以臬號。六月由來號。以且。七相八壯九爲玄。十陽以下乃辜涂。正月得甲爲畢陬。二得甲兮卽畢如。

西藏有豫言家

歐美有一種人。專於事前豫卜吉凶禍福。謂之豫言家。我國術士。亦有能言之者。惟或驗或不驗耳。今西藏亦有之。其人每託爲神言。歲至拉薩。豫言年歲豐歉及其他未來事。達賴喇嘛以下。須就而問之。人民若令判斷一事。須酬金十太克。甚有多至藏幣一萬太克者。

紅教喇嘛之推算

藏曆。向由紅教喇嘛推算。凡是年所有各項吉凶。皆於曆後繪圖貼說。如內地推背圖之式。藏人曾云。前紅教喇嘛推定壬子鼠年。藏中有刀兵之事。及康熙時藏中之亂。果爲大軍平復。盡收其土。又繪一樹。一人守之。其樹已枯朽。人則

往雪地。蓋以樹譬黃敎。當自此不振。其人譬達賴。當永遠逃往外國也。

乾坤萬年歌

周太公望著乾坤萬年歌。其論本朝者云。十八孩兒跳出來。蒼生方得蘇危困。
十八孩兒是李字指李自成也。跳讀作逃。乃逃走也。明崇禎甲申三月十七日
 自成陷京師。思宗縊死煤山。五月大兵定京師。自成敗。焚九門城樓。挾明太子
 二王西走。世祖遂定鼎於燕。可謂前遭危困。相繼春秋二百餘。五湖雲擾又風顛。
 者今則無事矣。故曰蒼生方得蘇危困也。
 二百餘指本朝之國祚也。

馬前課

蜀漢諸葛亮有馬前課。每一課。指一朝。白鶴山僧守元解釋之。其論本朝者。爲第九課。○●○○●●中上。水月有主。古月爲君。十傳絕統。相敬若賓。證曰。陽陰陽。陰陰陰。在卦爲晉。解曰。水月有主。清也。古月。胡也。

推背圖

唐司天監袁天罡李淳風撰推背圖。凡六十象。以卦分繫之。其論本朝者爲第三十三象。爲丙申。大過。讖曰。黃河水清。氣順則治。主客不分。地支無

子頌曰。天長白瀑來。胡人氣不衰。藩籬多撤去。稚子半可哀。此言世祖入關之徵。中有順治二字也。

又第三十四象爲丁酉。巽上識曰。頭有髮。衣怕白。太平時。王殺王。頌曰。太平又見血花飛。五色章成裏外衣。洪水滔天苗不秀。中原曾見夢全非。此言咸同粵寇事。寇不薙髮。俗呼長毛。所立國號曰太平天國。其酋不稱皇帝而稱天王。自餘亦皆稱王。天王爲洪秀全。而其時又有苗沛霖之亂也。

又第三十五象爲戊戌。兌上隨。識曰。西方有人。足踏神京。帝出不還。三台扶傾。頌曰。黑雲黯黯自西來。帝子臨河築金臺。南有兵戎北有火。中興曾見有奇才。此言光緒庚子。八國聯軍入京。德宗奉孝欽后西狩事也。

又第三十六象爲己亥。乾上小畜。識曰。纖纖女子。赤手禦敵。不分禍福。燈光蔽日。頌曰。雙拳旋轉乾坤。海內無端不靖。母子不分先後。西望長安入覲。此言孝欽后臨朝。德宗不得行其志也。

又第三十七象爲庚子。震上益。識曰。漢水茫茫。不統繼統。南北不分。和衷

與共。頌曰。水清終有竭。倒戈逢八月。海內竟無王。半凶還半吉。此言宣統辛亥八月。武昌起事。國運告終。南北言和。帝遜位而共和成立也。

藏頭詩

唐李淳風之藏頭詩。以對太宗而作也。其論本朝者。則曰。天意如是。斯時人皆得志。混世魔王出焉。一馬常在地。弓長例成都。林易連水黑子去。其時文士家中坐。武將不領人。越數年。如喪國家。有八旗常在身之主出焉。人皆口內生火。手上走馬。頭上生花。衣皆兩截。此言李闖張獻忠之亂。世祖率領八旗將士入關。人皆口啣烟管。手有馬蹄袖。頭戴花翎。而行裝之衣。爲馬褂與袍也。

梅花詩

宋邵康節有梅花詩。其論本朝者云。胡兒騎馬走長安。開闢中原海境寬。洪水乍平洪水起。清光宜向漢中看。此言世祖入關。定鼎燕京。後開海禁。與各國通商。有粵寇洪秀全之亂。而宣統辛亥八月十九日。黎元洪起義武昌也。

燒餅歌

明太祖在便殿。一日食燒餅。方啖一口。內監忽報劉基進見。太祖以碗覆之。始召基入。問之曰。碗中何物。基曰。半似日。半似月。曾被金龍咬一缺。此食物也。開視果然。太祖乃問以天下後世之事。基歷歷言之。其論明末而及本朝者。太祖則曰。朕有六百年之國祚。足矣。尙望有半乎。天機難言。何不留錦囊一封。藏之於庫。急時有難。則開視之。可乎。基曰。臣亦有此意。遂歌曰。九尺紅羅三尺刀。勸君任意自遊遨。闖人尊貴不修武。惟有胡人二八秋。臣封櫃內。俟後開時。自驗。桂花開放好英雄。拆缺長城盡孝忠。此指吳三桂周家天下有重複。摘盡李花枉勞功。黃牛背上鴨頭綠。安享國家珍與粟。雲蓋中秋迷去路。胡人依舊胡人毒。反覆從來拆桂枝。此指三桂歸順後復叛滅之水浸月宮主上立。此拆字禾米一木併將去。二十三人八方居。太祖曰。二十三人。亂朕天下。八方安居否。基曰。臣萬死不敢隱。至此。大明天下亡之久矣。太祖大驚。卽問此人生何方。衣冠若何。國號爲何。治天下何如。基曰。還是胡人二八秋。二八胡人二八憂。二八牛郎二八月。二八姮娥配土牛。太祖曰。自古胡人無百年之國運。乃此竟有二百餘年之運耶。

基曰。雨水草頭眞主出。

此拆字

赤頭童子皆流血。倒置三元總纔說。須是川水頁

台闕。

此拆字順治二字

十八年間水火奪。庸人不用水火臣。

此拆康熙二字

此中自己用漢人。卦

分氣數少三數。

此言聖祖在位六十年

親上加親又配親。太祖曰。胡人至此用人。水奪火

滅。親上加親。莫非駙馬作亂乎。基曰。非也。胡人英雄。水火既濟。安享太平。有位

有勢。時值昇平。稱爲盛世。氣數未滅。還有後繼。寶劍重磨又重磨。抄家滅族可

奈何。閹人社稷藏邪鬼。孝弟奸誅戮多。李花結子正逢春。牛鳴二八倒插丁。

六十周甲多一甲。螺角倒吹也無聲。點畫佳人絲自分。一止當年嗣失眞。

此拆字

二字

泥鷄啼叫空無口。樹產靈枝枝缺魂。朝臣乞來月無光。叩首各人口渺茫。

此拆字

乾隆二字

一見生中相慶賀。逍遙周甲樂飢荒。

此言高宗在位六十年

太祖曰。胡人至此敗亡

否。基曰。未也。雖然。治久生亂。值此困苦。民懷異心。然氣運未盡也。廿歲力士開

雙口。人又一心度短長。

此拆嘉慶二字

時俺寺僧八千衆。火龍渡河熱難當。叩首之時

頭小兀。姮娥雖有月無光。

此拆道光二字

太極殿前卦對卦。

此言咸豐二字

添香禳斗鬧朝堂。

金羊水猴飢荒歲。犬吠豬鳴淚兩行。洞邊去水台用水。

此拆同治二字

方能復正舊朝

網。火燒鼠牛猶自可。虎入泥窩無處藏。草頭家上十口女。又抱孩兒作主張。

此言

孝欽后於同治光緒時兩次臨朝也

二四八旗難蔽日。遼陽思念舊家鄉。東拜斗。西拜旗。南逐鹿。

北逐獅。分南分北分東西。偶逢異人在楚歸。馬行萬里尋安歇。殘害女中四木鷄。六一人不識。山水倒相逢。黃龍早喪赤城中。豬羊鷄犬九家空。飢荒災害皆並至。一似豐登民物同。得見金龍民心開。刀兵水火一齊來。文錢斗米無人糴。父死無人兄弟擡。金龍絆馬半亂甲。二十八星問土人。蓬頭幼女蓬頭嫁。揖讓新君讓舊君。太祖曰。胡人至此敗亡否。基曰。手執鋼刀九十九。殺盡胡人方罷休。礮響火煙迷去路。遷南遷北六三秋。可憐難渡雁門關。摘盡李花胡不還。黃牛山下有一洞。此言黃爲金色金屬辛牛在干支則爲丑一爲劉坤一洞爲張之洞也可投十萬八千衆。先到之人得安穩。後到之人半路送。難恕有罪無不罪。天下算來民盡瘁。火風鼎。兩火初興定太平。火山旅。銀河織女讓牛星。火德星君來下界。金殿樓臺盡丙丁。一個鬍子大將軍。按劍馳馬察情形。除暴去患人多愛。永享九州金滿籩。太祖曰。胡人此時尙在否。基曰。胡人至此亡之久矣。

黃蘗禪師詩

明黃蘗禪師有論本朝詩云。日月落時江海碧。青猿相遇判興亡。八年運向滇

黔盡。二九丹成金谷藏。

此言順治

黑虎當頭運際康。四方戡定靜垂裳。唐虞以後無

斯盛。五五還兼六六長。

此言康熙

有一真人出雍州。鵲鵲原上使人愁。須知深刻非

常法。白虎嗟逢歲一週。

此言雍正

乾卦占來景運隆。一般六甲祖孫同。外攘初度籌

邊策。內禪無慚太古風。

此言乾隆

赤龍受寵事堪嘉。那怕蓮池開白花。二十五絃彈

易盡。龍來龍去又逢蛇。

此言嘉慶

白蛇當道漫騰光。宵旰勤勞一世忙。不幸英雄來

海上。望洋從此歎茫茫。

此言道光

亥逐無訛二卦開。三三兩兩總堪哀。東南萬里紅

巾擾。西北千羣白帽來。

此言咸豐

同心佐治運中興。南北烽烟一掃平。一紀剛周陽

一復。寒冰空自惕兢兢。

此言同治

光芒閃閃見災星。統緒旁延信有憑。秦晉一家仍

鼎足。黃猿運厄力難勝。用武時當白虎年。四方各自起烽烟。九州又見三分定。

七載仍留一線延。紅鷄啼後鬼生愁。寶位紛爭半壁休。幸有金鰲能戴主。旗分

八面下秦州。

以上言光緒

中興事業付麟兒。豕後牛前耀德儀。繼統偏安三十六。坐

看境外血如泥。

此言宣統

哲布尊丹巴之言

世祖入關。哲布尊丹巴胡圖克圖來朝。世祖問異日事。答曰。我身不缺。我國不滅。又問國祚。答曰。十帝在位。九帝囚。還有一帝在幽州。當時且以爲二十傳也。及德宗被囚瀛臺。宣統帝辭政。此讖始信。我身二句。蓋宣統帝御名下一字爲儀。臣民固須敬避。惟當鐫刻書籍。於必不可避之儀字。則我字卽缺末筆也。

李神仙豫知試題

山左有李神仙者。以技游京師。順治庚子鄉試。有兩生密詢試題。李笑曰。公等皆道德仁義中人也。無庸問。題出。乃志於道全章。二人皆中式。辛丑會試。又有以場題問者。李曰。五后四可。後首題乃知止而后有定節。果有五后字。二題夫子之文章一章。三題易其田疇二節。果有四可字。

水月老人論大蟲

水月老人。姓孫。名文。字文若。會稽人。明末諸生。入國朝。隱於杭。所居爲梅園。在

艮山門外之百步塘。老人性簡靜。一介不取。間爲歌辭以自娛。問其年。輒曰九十。人以其髮盡禿。故呼之爲僧。順治初。范忠貞公承謨撫浙。老人固預知之。蓋老人與其大父雅故。忠貞幼時。嘗撫其頂曰。兒當建節吾土。至是。忠貞奉母命。物色而得之。屏騶從往謁。尋爲出俸修塘。時浙西多虎。老人輒語之曰。山上大蟲任打。門內大蟲休惹。忠貞尋奉命督閩。瀕行。老人誠之曰。耳後火發時。須有主意。門內蟲聞也。耳後火。耿也。蓋指閩藩耿精忠也。康熙甲寅。閩藩變作。忠貞死焉。人遂以老人爲能前知。爭趨之。老人避去。不知所終。土人乃改其居爲水月庵。肖其像若僧。募僧奉之。

李道人能知未來事

乾隆甲午。有李道人者。自山東入京。人皆稱之爲李半仙。朱鼎延少宰詢其子應順天。試得雋否。李書曰。有田皆種玉。無馬不成龍。朱以爲嘉兆。及榜發。解首乃田種玉。而末名則馬成龍也。梁尙書清標嘗邀之飲。同會六七人。請預道今夕事。李卽書片紙。寘燭檠下。頃之。座客共話關壯繆出處。俄有致書與梁者。發

示無一字。翻閱之。字在東背。李因取紙出視云。客所談者皆關公事。有送柬者至。顛之倒之。大可笑也。衆皆拊掌者再。

蔡必昌知川楚之變

乾隆甲寅秋。蔡太守必昌守重慶。一日。謁督部福文襄。文襄適征廓爾喀。因問此行休咎。蔡曰。此次藏事必速。冥中僅造冊數月。後不數年。川楚間當有大劫。冥中已造冊數年。今尙未已。文襄詢以冊載姓名。蔡曰。未來事不可預言。此中首領。似卽畢秋帆制府也。明年乙卯。果有楚苗之變。川楚教匪繼之。頻年大亂。嘉慶甲子始平。

姚先生言休咎

道咸間。京師有姚先生者。以課徒爲業。冬夏惟一衲。與人言休咎。輒應。刑部司員如皋胡佛生喜談黃老術。聞姚名。往謁。願奉之爲師。姚言君等受恩深重。當使天下人民共登壽域。修煉之術。非士大夫所宜道。胡乃館姚於家。敬禮備至。然姚所論皆儒家事。起居亦無異常人。年餘。忽蹙額謂胡曰。君部堂官阿公今

夜欲見害。奈何。胡問故。曰。阿本天狐。世無知者。三年前。余於酒後誤洩其隱。坐是欲殺余。然余善五雷正法。妖鬼皆不敢近。豈阿公所能害哉。彼無故動殺機。必自斃。三日內當有驗耳。胡明日閱邸鈔。知阿果請病假三日。乃神之。至第二日。阿薨。胡乃長跪姚前。曰。先生果神人。願教我。姚曰。吾非吝此術。顧識緯小數。學之無益。祇有害耳。且人盡前知。則人盡看破世味。豈復有求名求利之人哉。胡又叩長生術。姚曰。自古談神仙者。如恆河沙數。然費長房果在何處。洞天福地。既不使千百年一人知之。一人見之。則神仙日在烟雲杳渺之中。反不若塵世確有實在樂處。人亦何苦甘擲此自在光陰。而向寂寞無聊之境。求杳渺無憑之仙哉。胡服其論。轉叩治術。姚曰。治術具在所讀書中。君固無不知矣。何問焉。又曰。世局關乎大臣。今之操政柄者何人耶。君宜爲自全計。勿更與俗浮沈也。余師見招。亦當從此逝矣。翌日。姚不知所往。胡謀得河工差出京。是年。果有粵寇之亂。京師米珠薪桂。有斷炊者。而胡幸有差。得不凍餒。

扶乩

術士以硃盤承沙。上置形如丁字之架。懸錐其端。左右以兩人扶之。焚符神降。以決休咎。卽書字於沙中。曰扶乩。與古俗卜紫姑相類。一曰扶箕。則以箕代盤也。又有人謂之曰飛鸞或扶鸞者。其實飛鸞與扶乩本兩事。混而爲一者誤。飛鸞之耗費甚鉅。手續亦繁。先一年。卽摒擋種種。飛時。亦須閱三四月。始竣事。新學家往往斥扶乩之術爲迷信。其實精神作用。神與會合。自爾通靈。無足奇也。初亦有文人弄筆。自託於女鬼仙靈。久之。則亦不期然而然。有仙壇花雨一書。多記降乩仙鬼唱和之作。西青散記亦多述其事。

陳朗生爲乩仙

康熙時。有請乩於樅陽陶氏宅者。方縱筆。忽停。訊之。曰。陳朗生過門。是人。狂生也。且俟其去。又一日。醉臥。鄰人請乩仙至。自書姓名。則陳朗生也。朗生名枋。

金聖歎爲乩仙

金聖歎旣死。山左有官署召仙。仙卽聖歎。判一詩云。石頭城畔草芊芊。多少愚人城下眠。惟有金生眠不得。雪霜堆裏聽啼鵑。聖歎前身爲杭州昭慶寺僧。死

後。朱眉方夢聖歎謂之曰。吾前身乃僧也。常游歡愛河中。故有是劫。今脫矣。當爲鄧尉山神。

乩限韻賦詩

秦對巖宮諭家有乩仙。時吳伯成制軍興祚方宰無錫。一日訪秦。知其召仙。必欲觀之。秦延之入。時所請者云是李太白。吳曰。請賜一詩。乩判云。吳興祚何不拜。吳言詩工。固當拜。又判云。題來適有一貓蹲於旁。吳指之。謂可詠此。又判云。韻來。吳乃限九韭酒三韻以難之。乩卽書云。貓形似虎十八九。喫盡魚蝦不喫韭。只因捕鼠太猖狂。翻倒牀頭一壺酒。

彭定求奉乩仙

彭定求幼奉乩仙甚謹。父嚴禁之。終莫能奪。練籙旣久。遂能通神。廢乩連腕。不假思索。始爲詩文。繼爲制藝。悉爲佳構。棘闈獲雋。用此技也。康熙丙辰計偕入都。吳大鵬與彭有舊。得其經義祕本。中有硃書元君許我必中丙辰會狀十字。及禮闈榜發。與殿試傳臚。果皆第一。

乩示戊辰試題

康熙戊辰會試。舉子某求乩仙示題。乩書不知二字。舉子再拜而言曰。神仙豈有不知之理。乃大書曰。不知不知。又不知。衆大笑。以仙爲無知也。而是科題。乃不知命。無以爲君子也三節。

李奉河託乩伸冤

陝西糧鹽道祖允圖事。乩仙甚謹。康熙丙子。以襄辦試事出闈。偶詢他事。乩忽書云。我乃延安府清澗縣受冤人李奉河也。問何以至此。則書我隨仇生入場。汚其卷而出十一字。祖潛訪其實。爲之雪冤。適被召入京。未果。

乩示乙酉試題

康熙乙酉八月十日。有人於蘇州虎邱米仙樓請乩。問闈題。乩判云。春秋之際。善惡分明。筆少停。遽問其子中式否。判云。數皆前定。風水成文。水風井也復問北闈題。判云。悶懣懣。獨坐無聊。唱徹相思調。只爲如玉人。言念君子溫其如玉也兒行遠道。強登高。停杯不飲。盼望佳音到。復問浙江題。判云。韻取十一真。啼出富春鳥。後知